

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Allaffeqarfimmiit paasissutissiineq
- Imm. 03** 2018-imi augustip 31-ani Sisimiuni Maniitsumilu Teknikkimut, pilersuinermut sanaartornermullu qaammammut nalunaarussiaq
- Imm. 04** 2019-imi akigitat, Teknikki Pilersuinerlu
- Imm. 05** Sisimiuni eqqaavissuarmi ajutoortoqarnerani toqusoqarnera taassumalu malitsigisai pillugu paasissutissiissut
- Imm. 06** "Imaani avatangiisit illersorneqarnissaat pillugu inatsisartut inatsisaannik allannguinissaq pillugu Inatsisartut inatsisissaattut siunnersuut" pillugu tusarniaanermi akissuteqaat pillugu pasissutissiisneq
- Imm. 07** "Avatangiisit innarlitsaaliorneqarnissaat pillugu Inatsisartut inatsisaannik allannguinissaq pillugu Inatsisartut inatsisaannik allannguinissamut siunnersuut" pillugu tusarniaanermi akissuteqaat pillugu paasissutissiissut
- Imm. 08** Tamalaat

Ataatsimiinneq videokonferenci atorlugu ingerlanneqarpoq aallartillunilu nal. 8.32

**Peqataasut:**

*Siumut*

Frederik Olsen - Sisimiut  
Karl Lyberth - Maniitsoq  
Gideon Lyberth - Maniitsoq

*Atassut*

*Inuit Ataqaatigiit*

Sofie Dorthe Olsen - Sisimiut  
Peqataavoq immikkoortoq 04 ilanngullugu.

*Nalunaaruteqarlutik peqataanngitsut:*

*Nalunaaruteqaratik peqataanngitsut*  
Emilie Olsen - Sisimiut

**Imm. 01 Oqaluuserisassat akuersissutigineri**

Akuersissutineqarpoq.

**Imm. 02 Allaffeqarfimmiit paasissutissiineq**

**Niels Mønsted – Sisimiut**

Arsaartarfik ivigaaraasalik atorneqalereerpoq, ungalussai ikkussuunneqaleruttorput.  
Qaammatip tulliani innarluutilinnut inissiat 16-it iserterfigineqassapput.  
Teknikkeqarfimmi atorfik ataaseq inuttaqanngilaq, pingajussaa inuttassarsiuunneqarpoq. Illuutitut oqartussatut atorfik inuttalernerqarpoq.  
Kalaalimineeriarfimmi nioqqutissanut suliareriikkanik tuniniaanermut immikkut akuersissummik pissarsisoqarpoq, eqaluit pujukkat tunineqarnikuupput.

**Ole Thor – Maniitsoq**

Arsaattarfissamat qaartiterinerit allalartinneqarput.  
Innarluutilinnut inissianut nussornerit aallartinneqarput.  
Pilersarusiornermut sulisoq nutaaq atorfinippoq.  
Sulisussaaleqineq pissutaalluni Kangaamiui anartarfinnik imaarsisarnermik ajornartorsiuteqartoqarpoq.

**Teknikkeqarnermut, Aatsitassarsiornermut Avatangiisinullu ataatsimiititaliap september-ip 11-ani  
2018 ileqquusumik ataatsiminnerani imaqarniliaq 06/2018**

**Imm. 03 2018-imi augustip 31-ani Sisimiuni Maniitsumilu Teknikkimut, pilersuineranut sanaartornermullu qaammammut nalunaarussiaq.**

Journalnr. 06.01.02

**Pissutsit atuuttut**

Atuineq / isertitat atuiffinnut ataasiakkaanut ukiumut tamarmiusumut agguataarneqanngilaq.

**Atuiffik 2 – Teknikkimut tunngasut: Sisimiut - Maniitsoq**

TEKNIKKEQARFIK SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
20	AQQUSERNIT, IKAART.TUMMEQQAT	8.145	0	0	8.145	2.824.237	5.321	34,7
21	SALIINEQ APUTAAJAANERLU	8.947	0	0	8.947	5.364.738	3.582	60,0
22	PISUUSSUTIT UUMASSUSILLIT	396	0	0	396	136.202	260	34,4
23	KOMMUNIP INGERLATSIVII ASSIGIINNGITSUT	4.868	0	0	4.868	3.072.194	1.796	63,1
24	KOMMUNIP ILLUUTAANIK	-2.277	0	0	-2.277	-2.078.118	-199	91,3
25	QATSERISARTOQARNEQ	8.475	0	2.000	10.475	5.352.464	5.123	51,1
27	TEKNIKKIKKUT INGERLATAT ALLAT	12.728	107	0	12.835	9.530.973	3.304	74,3
<b>2</b>	<b>TEKNIKKEQARFIK</b>	<b>41.282</b>	<b>107</b>	<b>2.000</b>	<b>43.389</b>	<b>24.202.690</b>	<b>19.186</b>	<b>55,8</b>

Sisimiuni Maniitsumilu Teknikkimut tunngatillugu tamakkiisumik missingersuutinit 43.389 mio. koruuninit atuineq 55,8 procentimiippoq.

**Atuiffik 6 – Pilersuineranut tunngasut: Sisimiut - Maniitsoq**

PILERSUIVIIT SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
66	EQQAAVEQARNEQ	-243	0	0	-243	673.042	-916	-277,0
68	PILERSUINERIT ALLAT	3.987	0	0	3.987	4.382.337	-395	109,9
<b>6</b>	<b>PILERSUIVIIT</b>	<b>3.744</b>	<b>0</b>	<b>0</b>	<b>3.744</b>	<b>5.055.379</b>	<b>-1.311</b>	<b>135,0</b>

Sisimiuni Maniitsumilu pilersuineranut tunngatillugu tamakkiisumik missingersuutaasuniit 3,7 mio. koruuniniit atuineq 135,0 procentiuvoq.

Eqqaavilerineranut akiligassiisutininik anillatsitsisarneq qaammatit pingasukkaartuunerat pissutaalluni, atuiffik 66-imi aningaasartuutit qaammatinut arfineq-pingasunut, kisianni arfinilinnut itsertitsiffiusutut isikkoqarput.

Ingerlatsineranut atuiffimmi sippuilluni atuvallaalaarneq ukiup qaammataani kingullerni iluarsineqassaaq, atuineq siammarneqassapat.

Kissamik tunisinissamut anguniakkatut missingersuutaasut ukiumi missingersuusiorfiusumi 2018-imi anguneqanngitsoornissaat nalilerneqarpoq.

Sisimiuni atuinerunermik malitseqartumik maskinanut iluarsartuussinernik annertuunik arlalinnik suliaqartoqarnikuvoq.

Eqqakkanik tigusinernut isertitat, kiisalu kissamik tunisinermit isertitat, kingumoortumik akiligassiisutigineqartarput aammalu missingersuutininik anillatsitsinermi atuineq eqqortumik tikkuussinngilaq.

**Atuiffik 7 – Sanaartornermut tunngasut: Sisimiut - Maniitsoq**

SANAARTORNERMUT TUNNGASUT		Budget	Tillæg	Omlac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
70	SANAART.TUNNGASUT	26.975	15.298	0	42.273	18.680.895	23.592	44,2
71	SANAART. ALLAFFEQARFIK	3.728	742	0	4.470	1.745.790	2.724	39,1
72	SANAART.TUNNGASUT TEKNIKIMUT TUNNG.	39.999	31.026	-2.264	68.761	20.158.681	48.602	29,3
73	SANAART.TUNNGASUT	500	117	0	617	567.212	50	
74	SANAART.TUNNGASUT ILAQUTARIINNERMUT	10.000	1.883	0	11.883	92.965	11.790	0,8
75	SANAART.TUNNGASUT ATUARF.KULTUR	43.300	29.940	0	73.240	11.109.287	62.131	15,2
76	SANAART.TUNNGASUT PILERS.TUNNGASUT	5.500	1.615	0	7.115	2.278.754	4.836	32,0
77	SANAART.TUNNGASUT NUNAGISSAANEQ	8.500	14.104	264	22.868	406.733	22.461	1,8
<b>7</b>	<b>SANAARTORNERMUT TUNNGASUT</b>	<b>138.502</b>	<b>94.725</b>	<b>-2.000</b>	<b>231.227</b>	<b>55.040.317</b>	<b>176.187</b>	<b>23,8</b>

Qeqqata tamakkerlugu sanaartornermut tunngatillugu tamakkiisumik missingersuutaasuniit 231.227 mio. koruuninik atuineq 23,8 procentimiippoq.

Atuiffik 70-imi illoqarfinni nunaqarfinnilu illunik nutarsaalluni sulinerit ingerlapput. Maniitsumi Sisimiunilu septembarip qaammataani innarluutilinnut inissiat 16-it iserterfigineqassapput. Kangerlussuarmi Illorput pingasut ukioq kingullermeersut inaarsarneqarput, aammalu nutaat pingasut toqqavilersorneqalerput. Utoqqarnut ataatsimoorussamik inissianik sumi sanaartornissaat aammalu sanaartortitsisup siunnersuutaa suli paasineqaratik.

Atuiffik 71-imi ERP-systemimut tunngasooq qarasaasialeriffimmiippoq.

Atuiffik 72-imi Sisimiuni asfaltiorfik nutaaq atornerqalerpoq aammalu Maniitsumi aqutsissut nutaaq ikkunneqarnikuulluni. Illoqarfinni marluusuni kuuffissuarnik nutaanik nutarsaanerit pilersitsiornerillu ingerlapput. Sisimiuni iliveqarfissap nutaap qaartiterneqarnera inaarsarneqarpoq. Alanngorsuarmut aqqusineq avatangiisitigut suliarineqarnissaa utaqqineqarpoq, suliassungata tunngasut kiisalu ATV-nut aqqutissaq pilersaarusiornermut pisortamiippoq.

Atuiffik 74-imi puigortunngortunut immikkoortunut aamma innarluutillit ornittagassaannut suliassungata aallartinneqarnissaanut, sanaartortitsisup saqqummiussassaanik suliaqarnissamut ilaqutariinnermut immikkoortortamit annertussutsumut pilersaarummik suliaqartoqarnissaa utaqqineqarpoq. Maniitsumi Ilaqutariinnut Inerisaavimmuut siunnersortinik isumaqatigiissusiortoqarnikuuvoq, pilersaarusiorneqarneralu aallartisarneqarpoq.

Atuiffik 75-imi kulturikkut illorsuup allilerneqarnissaa Akianilu meeqqerivissaq pilersaarusiorneqarput. Atorfik inuttaqanngitsoq patsisaalluni, Sarfannguani timersortarfimmuut tamatigoortumut suliassungata sulisussaqaarsimangilaq. Kangerlussuarmi illumut tamatigoortumut sanaartortitsisup saqqummissassaa suliarineqaleruttorpoq. Silami sunngiffimmi sammisanut suliaq Sunngiffimmi immikkoortortamiippoq. Aggustimi Sisimiuni arsaattarfik ivigaaraasalik atornerqalerpoq ungalussailu ikkussuunneqarput, Maniitsumi qaartiterinerit aallartisarneqarput. Nalunnguarfiup atuarfiani nutaanik qalissialersuinikkut Minngortuunnguullu atuarfiani pinnguartarfilersuinerit naammassineqarnerisigut atuarfinnik nutarsaaneq naammassineqarpoq.

Atuiffik 76-imi Sisimiuni kiassarnermut aqqutinik annertusaaneq Nukissiorfikkoortuni ingerlanneqarpoq.

Atuiffik 77-imi inuussutissarsiorfimmi B8.2-mi sanaartorfissagissaaneq entreprenørinik isumaqatigiissusiornermut illoqarfinni qimminik quinillu nuutsinissaq utaqqineqarnikuuvoq. Siunnersortit sulisuisa akornanni toqkukut qimaguttoqarnera pissutalluni immikkoortumik C15-imik pilersaarusiorneq kinguaattoorfiuvoq. Akiani najugaqarfissiaq A30 sanaartorfissarnissaanut portussuttip killilerneqarnissaa eqqarsaatigalugu Trafikstyrelsen-imit immikkut akuerineqarnissamut sanaartortitsisup siunnersuutaa amigaatigineqarpoq.

### **Innersuussut**

Teknikkimut Avatangiisinullu immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigaa, Sisimiunut Maniitsumullu Teknikkimut, Pilersuinermit Sanaartormullu nalunaarusiaq 2018-imi augustip 31-aneersoq tusaatissatut tiguneqassasoq.

### **Aalajangiineq**

Tusaatissatut tiguneqarpoq.

### **Ilanngussaq**

1. 2018-imi augustip 31-ani oqimaaqatigiisitsineq.

## **Imm. 04      2019-imi akigititat, Teknikki Pilersuinerlu**

Journalnr. 06.01.01

### **Tunuliaqutaq**

2019-imut missingersuutini akuersissuteqarnermut atatillugu, ukiumut kommunip akigititai aalajangersarneqartussaapput, tassunga ilanngullugit sulianut nutaanut allannguuteqartunulluunniit akigititat. Teknikkeqarnermut, Aatsitassarsiornermut Avatangiisinullu ataatsimiititaliamut atuiffik 2 Teknik aamma atuiffik 6 Pilersuineq akigititaasut pineqarput. Ukiup ingerlanerani akigititat ingerlaavartumik nalilersorneqartarput. Oqaasertaliussat paatsuungatitsisinnaasut allatut oqaasertalerneqassapput.

### **Maleruagassanut tunngavissat**

Missingersuutini akuersineq ilutigalugu akigititat akuersissutigineqartussaapput, ukiumilu missingersuusiorfiusumi atuutissallutik.

### **Pissutsit atuuttut**

Atuiffimmut 2 Teknikki aamma atuiffimmut 6 Pilersuinermut akigititani allannguutissanut siunnersuutissanut tunngavissanik pilersitsisinnaasunut akit oqaasertaliussassallu ataani ingerlanneqarput.

Arsaattarfimmik nutaamik attartornermut akigitassamut, ullormut 1000 koruuninut annertussusileqarneqarpoq. Ullup affaanut ullormut 500 koruunilerlugu attartorsinnaanermut periarfissiisoqarpoq. Arsattarfimmik ivigaaraasallimik aserfallatsaaliinissamut missingersuutit qaffanneqarput, taamaalilluni arsaattarfiup ivigaaraasallip aserfallatsaalinissaanut aningasartuutaasussat ingerlatsinermi missingersuutini ilanngunneqarerlutik. Attartortitsinermut akigititanut siunnersuutaasut aningaasartuutit takkukkumaartussatut nalilerneqartut, unammisitsisoqarneranut assigisaannullu atatillugu arsaattarfimmik isumaginnineq torersuutitsinerlu il.il. matussusissavaat.

Kommunip umiatsialiviutissaanut attartortumit siumut akiliutaagallartumik 250 koruuninik akiliuteqartoqartassaaq. Akigititaq taanna akigititaniingilaq, kisianni 2019-imut akigititassatut siunnersuutini ilanngunneqarnikuulluni.

Atuiffik 6 Pilersuineq eqqaavilerinermit imaartittarnermut kommunip aaqqiissutaanut nalunaarnissamut akigititaq ukiuni arlalinni, immikkoortumi atuisut tamakkiisumik akiliuteqartarnissaata anguneqarnissaa siunertaralugu, akigititaq ukiumut 10 procentimik qaffaavigineqartarpoq. Anguniagaq taanna arlalitsigut anguneqarpoq. Taamaattorli eqqagassalerinermi akigitat ataasiakkaat aaqqinermit kommunip aningasartuutigisaanut sanilliullugit suli appasippallaarput.

Containerinik 660L kiisalu puussiarsuarnik 90L imaarsinermit akigititaq suli ukiumut 10 procentimik qaffanneqartartussatut isigineqarpoq. Tassunga pissutaavoq INI A/S najugaqarfissiaminni inoqutigiinnut ataatsimut puussiarsuarmut 90 L-imiit inoqutigiinnut arfinilinnut 660 literinut allannguisimanera. Inoqutigiit arfiniliugaangata containerimut 660 L-imut akisititamut puussiarsuarnut 90 L-iugaangat akigititaq atsikkutigiinngimmat, containerinut 660 L-inut akititaq 10 procentimik qaffanneqarnissaa nalilerneqarpoq. Taakkununga puussiarsuarnik 90L-inik imaarsisarnermut 10 procentimik qaffaaneq eqqakkanik eqqaanermi ikuaallaavimmut aningaasartuutitut matussuseeqqinnissamut, illoqarfinni ikuaallaavissuarnut nunaqarfinniit eqqakkanik assartuinermit aningaasartuutitut matussuseeqataassagaluarpoq, kiisalu avatangiisinut ajoqutaanngitsunut containerinut puussiarsuarnik pisariaqartitsinngitsunut innuttaasut nuukkiartuarnissaanut kajumilersitseqataasinnaalluni.

Anartarfilerinermi akigititaq suli 10 procentimik qaffanneqartassaaq. Entreprenørinut kommuni sinnerlugu anartarfiit puussiartaanik imaarsisartuusumut akiliisarnermit aningaasartuutit suli isertitanit

matuneqartassanngillat. Entreprenørимjut akiliisarnermut aningaasartuutit, aaqqiinermut nalunaarsimasunit isertitanit 50 procentimik annertunerupput.

Isortuussanik igitsinermut akigititaq maannamut akigititanut marlunnut agguataagaavoq. Aappaa ikuallaavimmi ilioraavimmut tunniussinermut m3-mut naatsorneqartoq aappaalu ikuallaaviup ikuallaavianut toqqaannartumik tunniussinermut kilomut naatsorsorneqartartoq. Akigitat assigiissarniarlugit igitassanut isortuussanut taamaallaat m3-mut naatsorsorneqarsinnaavoq. Annertussutsit kilomut naatsorsornissaanut ikuallaavik killilimmik periarfissaqarpoq. Igitassanut isortuussassanut m3-mut naatsorsuinermut akigititaq m3-mut 333.00 koruuniunera allanngortinneqassanngilaq. Isortuussassanik eqqagassanik ingerlaannartumik ikuallaaviup ikuallaavittaani ikuallaanissaq kilomut 333.00 koruunit aammalu sulisorisamut akunnermut 240 koruunit akigitinneqassapput. Ingerlaannartumik ikuallaavimmi ikuallaanissaq isumanaallisaaneq eqqarsaatigalugu, ikuallaaviup sulisuinik peqateqarluni ingerlanneqartarnissaanik piumasaqaatitaqarpoq.

Sisimiuni ikuallaavimmi uuliakunut ikuallaavimmik 2017-imi ikkussisoqarnikummat, aammalu uuliakumik ikuallaanermi kissamik tunniussamut isertitaqartamat, akigititaq m3-mut 2.339,00 koruunimiit m3-mut 0 koruuninut nalimmassarneqarnissaa isigineqarpoq. Kissamik Nukissiorfimmut tunisinermi ikuallaaviup isertitaasa, uuliakumik piiianermut aningaasartuutit tamakkiisumik matussusernarerat pissutaavoq. Tamanna aamma kilisaatit umiarsuillu takornariartaatit Sisimiuni uuliakumik tunniussisarnissaanut kajumissaataassaaq, tamatumani ikuallaaneq sapinngisamik illersorsinnaasumik ikuallanneqarsinnaalluni. Maniitsumi sulii uuliakunik annertuunik toqqortaateqartoqarpoq, taamaattumik uuliakunut akigititaasoq allanngortinneqassanngilaq.

Annikitsualuit immikkoortiterneqanngitsut pinngitsoortinniarlugit, annikitsualuit immikkoortiterneqanngitsut itigartitsissutigineqartarnissaanut kinguneqartitsisarnissamik ilanngussisoqassaaq. Tassunga kukkulluni tunniussisoortoqarnissaanut, immikkoortiterneqanngitsunut niusanut 5600 koruunimik akigititamik ikkussisoqassaaq. Tassunga annikittualunnut immikkoortiterneqanngitsunut akiliisitsisoqartassalluni. Aaqqiissut Sermersooq - Nuuk affaldscenter-imit tigusaavoq. Aaqqiineq Sisimiuni Maniitsumilu ikuallaavinni immikkoortiterinermik suliarinninnissamut, suliassaq piffissartornartorujussuusumut, sulisunut amerlasssuligaasoqanngimmat atuutilersinneqassaaq. Soorluttaaq aaqqiineq eqqagassanik annikitsualunnik eqqaavissuarmi tunniussisarnissamut, igitsinnginermi annikitsualunnik immikkoortitereertarnissamut peqataassaaq. Annikitsualuit ikuallaavimmut tunniunneqannginnerini eqqortumik immikkoortiterneqarnissaat pillugu nalornisoqassagaluarpat, ikuallaavimmi sulisunik attaveqarsinnaanermut akigiitani erseqqissaassuteqartoqassaaq.

Ilanngussami 1-imi akigitat allanguutissaattut siunnersuutaapput aappalaartumillu allassimallutik.

Maniitsumiit Ikuallattoornermi qamiterinermut atortunik Tuniniaanermut Akititanit akigititanut nalinginnaasunut nuutsitsineq, Sisimiunut tunngatillugu tuniniaanermik kinguneqarsinnaavoq, tuniniaasartut namminersortut qatserinermut atortunik peqqumaasivimmiittuuteqanngippata, taamaattumilu Sisimiuni tunisinermi Mamiitsumit akigitat atorveqartarput.

Qatserinermi atortut koblingitallit, aamma maniinnarmiittut tuniniarneqartarput.

Qajuusaasanik qatserummut 12 kg-mut aki 555,00 koruuniniit 600,00 koruuninut qaffanneqarpoq, aningaasartuutiviit matussuserniarlugit.

Angallassissutitut immikkuullarissunut (qatserisartut ittuata biilii,, slangetenderinut, biilinet atortuusivinnut, pujorsioortut atortuinut) 3.500 kg ataallugu oqimaassusilinnut akit amigaataanikuusunut akit ilaneqarput aammlau akunnermut ingerlatsisoq ilanngullugu 600,00 koruuninut aalajangersarneqarluni.

Umiatsiamik attartornermut aki ingerlatsisoq ilanngullugu akunnermut 750,00 koruunilerlugu ilannguneqarpoq aalajangersarneqarlunilu.

Qamuterallannut akigititami allassimanera ATV-nik ilaneqarpoq.

Ikuallattoqarnerani toortaatitut automatiskiusunut akitsuut 4.100,00 koruuniniit 4.400,00 koruuninut qaffanneqarpoq, ukiuni arlalinni akitsuut nalimmassarneqarani taamaaginnarnikummat. Ilutigitillugu allassimanerani ilannguneqarpoq, akitsuut ukiut tamaasa 2 procentimik nalimmassarneqartassasoq.

Asuli toorsinermit akigititaq aamma oqaasertaat "tunngavissaqanngitsumik orniguneq"-mik taaneqarpoq, tak. Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersumi § 19, tassani allassimavoq, tunngavissaqanngitsumik ornigunnermut akigititap aningaasartuutiviit qaangersimassanngikkai. Ilutigitillugu allassimanera akit malillugit akunnerit aallartinnerit tamaasa biillit atornerarneranut akiliuteqartoqartarnissaanik ilaneqarpoq.

#### **Atuilluartuunissakkut kingunerisinnaasat**

Eqqagassat pillugit akigititanut nalimmassaaneq, eqqagassalerinermi pilersaarummi anguniagaasunut periusaasumut "mingutsitsisoq akiliissaaq" naapertuuppoq.

#### **Aningaasaqarnikkut allaffissornikkullu kingunerisinnaasai**

Arsaatarfimmut nutaamut attartornermut akitigitaq, eqqaavinnik imaarsinermit arsaatarfimmillu isumaginninneq ilaapput. Akigititaq eqqortumik tikkuussinersoq ukiup ilivitsup ingerlanerani nalilersorneqarumaarpoq. 2019-imut attartortitsinermit isertitanit atuiiffimmik ammaasoqassaaq. Akigititat allannguutissaatut siunnersuutaasut, anartarfilerisarnermi atuisut akileeqaatasarnerannik qaffaataassaaq, taamaalilluni entreprenørinut akiliisarneq qaninnerusumik nalimmassarluni. Akinik allannguinermit naapertuuttumik immikkoortuni marluusuni isertitanut atuiiffiit nalimmassarneqassapput. Annikitsualunnut immikkoortiterneqanngitsunut akigititamut, Nuummi eqqakkanut centerimit misilittakkat kingunerinikuuaat, eqqagassanut centerimi immikkoortiterinermut mandetimet annertuumik appariaateqarnerat. Taamaaliornikkut sulissanut sulisut atornerarsinnaanngorlutik.

Unammilleqatigiinnermik pisumik pilersitsinngikkaluarluni, qatserinermi atortunut akit minnerpaamik aningaasartuutitut matussusiissapput.

#### **Allaffeqarfiup naliliinera**

Pilersuinermit tunngasuni akigititani akit pingaarnertit tassaapput anartarfilerineq eqqaavilerinerlu. Akigititani allannguutissatut siunnersuutinik, atuisunit akilerneqartartuni anartarfilerisarneq eqqaavinnillu imaarsisarnerup ilaa, tamakkiisumik akilerneqarneq ajortoq kisimiilissapput. Taakkununga 2019-imi eqqaavilerinermit tunngasuniit ikuallaavimmut illup iluani nuutsisarsinnaanermut periarfissiisoqarpoq, ikuallaavimmi ikuallaanermut tamakkiisumut eqqaavilerinermit eqqaanermut aningaasartuutaasunut peqataanikuunngimmat.



## **Innersuussut**

Teknikkeqarnermut Avatangiisinullu ataatsimiititaliamut innersuussutigineqarpoq, atuiffik 2 Teknikkimut aamma atuiffik 2 Pilersuinermit immikkoortuni 2019-mut akigititassatut siunnersuut akuersissutigineqassasoq.

## **Aalajangiineq**

Akuersissutigineqarpoq.

10 procent qaffaasarneq kommunalbestyrelse-mut apeqqutissanngorlugu ingerlateqqinneqassaaq.

Arsaattarfimmik atuinermut akiliutissaq kommunalbestyrelse-mut apeqqutissanngorlugu ingerlateqqinneqassaaq.

## **Ilanngussaq**

1. 2019-imut akigititassatut siunnersuut

## **Imm. 05 Sisimiuni eqqaavissuarmi ajutoortoqarnerani toqusoqarnera taassumalu malitsigisai pillugu paasissutissiissut.**

Journalnr. 27.03.02.02

### **Tunuliaqutaq**

2018-imi aggustip aallaqqaataani Sisimiuni Eqqaavissuarmi suliffeqarfimmi Polar Entreprise A/S-imi suleqataasoq ajunaarpoq. Teknikkimut Avatangiisinullu immikkoortortap ataani suleqataasoq ajutoornermi ilaavoq. Ajutooreernerup kinguninngua Sullivinnik Nakkutilliisoqarfik eqqaavissuarmut alakkarerivoq. Sullivinnik Nakkutilliisoqarfik "Ingerlaannartumik peqqusineq"-mik tunniussivoq, pissutsinik iluarsisassanik nassuiaasuusoq. Paasissutissiissut uuma ajutoornerup ingerlasimaneranik aammalu Sullivinnik Nakkutilliisoqarfiup ingerlaannartumik peqqusineranik, kiisalu Teknikkimut Avatangiisinullu immikkoortortaqarfik qanoq suliniuteqarsimaneranik suullu ingerlanneranik, TAAA-mi ilaasortanut paasissutissiissaaq. Soorluttaaq Sullivinnik Nakkutilliisoqarfiup aalajangiineranut ingerlaannartumik peqqusinissamik tunniussinissaanut aalajangiinissamik aalajangiinissaa tunngavigalugu Teknikkimut Avatangiisinullu immikkoortortaqarfiup akissuteqaataa pillugu TAAA ataatsimiititaliaa paasissutissiiffigineqassaaq.

### **Maleruagassanut tunngavissat**

Atuffik 6 pilersuineq, ikuallaaviup eqqaavissuullu inissisimaffigisaannut sulianut TAAA akisussaasuvoq.

### **Pissutsit atuuttut**

Ajutoornerup kingorna ingerlasimaneq ataani nassuiarneqarpoq

- Pingasunngornermi aggustip aallaqqataani aquttoq eqqaavissuarmi toqukkut qimaguppoq.
- Sisamangorneq- tallimangorneq aggustip aappaani pingajuani sullivinnik nakkutilliisoqarfik alakkaavoq.
- Tallimangorneq aggustip pingajuat. Alakkarerinermi nalunaarusiaq naapertorlugu Sullivinni Nakkutilliisoqarfik ingerlaannartumik peqqusinermik tunniussivoq.
- Tallimangorneq aggustip pingajuat. Alakkarerinermi nalunaarusiamit ingerlaannartumik peqqusinermi malitseqartitsinermi TAI allakkamik nassiussivoq - takuuk "AT-mut akissuteqarluni allagaq"
- Marlunngorneq aggustip 21-anni "ingerlaannaq peqqusineq - ajutoorfimmik isumannaarinninneq pillugu" inaarutaasumik TAI tigusaqarpoq. – aamma taaneqarpoq "aalajangiineq".
- Septembarip pingajuani TAI malitseqartitsilluni akissuteqaammik nassiussaqqarpoq, AT-p paasissutissat perusutaanik, tak. "ajutoorfimmik isumannaarinninnissaq pillugu ingerlaannartumik peqqusineq", peqqusinermi piareersaataasumik suliniutissanik piumasaqaateqarmat. .

2018-imi aggustip aallaqqaataani ajutoornermi Polar Entreprise A/S-imi aquttoq ajunaarpoq. Eqqakkanik imaarsiniarnermi imaarsinissamut containeri ammarniarlugu aquttup lastbilimit anillappoq. Tassunga ilutigitillugu Polar Entreprise-mit lastbilip eqqannguani eqqaavissuarmi inissamik pilersitsiniarluni kommunip aputaajaataanik sulisoq suliaqarpoq. Kommunip aquttua aputaajaatinik uteriarsorpoq taamaalilluni Polar Entreprise-mi aquttoq aqqusaarlugu kinguninngualu toqqutigisaminik.

Ullup tulliani avatangiisinik nalilersuiniarlutik ajutoornermullu pissutaasinnaasut nalilersorniarlugit Sullivinnik Nakkutilliisoqarfiup angalasartui ajutoorfimut takkupput. "alakkarerinermi nalunaarusiaq" tunngavigalugu "Qeqqata Kommuniani Sisimiuni kommunip eqqaavissuani angallannermi sulinermilu ajutooratarsinnaanermut navianartoqarsinaaneranut isumannaarinninnissaq pillugu - ingerlaannartumik peqqusineq"-mik tunniussisoqarpoq.

Sullivinnik Nakkutilliisoqarfiup nalilersuereernerata kingorna inaarutaasumik Ingerlaannartumik peqqusineramik tunniussisoqarpoq, aamma Sullivinnik Nakkutilliisoqarfiup suliami aalajangiinerisaa. Ingerlaannartumik peqqusineq ilanngussatut ilangunneqarpoq. Ingerlaannartumik peqqusinerami pingaarnertut oqariartuutaavoq "Qeqqata Kommuniiani Sisimiuni kommunip eqqaavissuani angallannermi sulinermilu ajutooratarsinnaanermut navianartoqarsinaaneranut isumannaarinninnissaq pillugu - ingerlaannartumik peqqusineq"

Sullivinnik Nakkutilliisoqarfimmu akissuteqaatit allakkiami, eqqaavissuarmi ajutoorsinnaanermut aammalu angallannerup isumannaarnissaanut Qeqqata Kommunia sunik suliniuteqarsimanersoq paasitineqarpoq. Tassunga ilanngullugu ajutoornerit pinngitsoorniarlugit angallannerlu isumannaarniarlugit siunissami suut suliniutigissanerigut paasitillugit.

Sullivinnik nakkutilliisoqarfimmu nassuiaatigineqarpoq, Qeqqata Kommuniata Pinngortitamut Avatangiisinullu Naalackersuisoqarfik suleqatigalugu, februarimili eqqaavissuarmi tigooraavimmi pissutsinik pitsanngorsaanaissaq kissaatigigaa aammalu ajutoorneq sioqqullugu pitsanngorsaanaissamut pilersaaruteqartoq, taannalu aamma ingerlaannartumik peqqusinerami taaneqarpoq.

Sullivinnik Nakkutilliisoqarfiup immikkoortut pingaarnertut tikkuarnikuusai tassapput:

susassaqaqqangitsunut piaarinani appakaassinnaanermut, eqqaavissuup naammattumik ungaluneqaqqanginnera. Suliniut taanna Namminersorlutik Oqartussat aningaasaleeqataaffgisaannik aallartisarneqareerpoq. Immikkoortoq pingaartoq alla tassaaavoq appakaattunut naammattumik nakkutiginnittoqaqqanginnera, soorlu eqqaavissuarmut eqqaavissuarmullu angallattunik nalimmassaataasinnaasumik assiaqummik. Suliniut taanna aamma Namminersorlutik Oqartussanit Kommunimiillu aningaasaliiffigineqarluni ikkussuunneqaleruttorpoq.

Ingerlaannartumik peqqusineramik tungaveqatumik Teknikkimut Avatangiisinullu immikkoortortaqaqarfiup akissuteqaatit allagaa tamakkiisoq ilanngussatut ilangunneqarpoq, tassanilu ilanngussat 1-4 akissutitut allakkiaallutik.

Sullivinnik Nakkutilliisoqarfimmu Akissuteqaatit allakkiani, pitsanngorsaanaissamut suliniutit kiisalu suliniutinik naammassinninnissamut piffissamut pilersaarut takuneqarsinnaavoq.

#### **Atuilluartuunissakkut kingunerisinnaasat**

Isumannaatsuunissamut ukkatarinninneq annertunerusoq aammalu tigooraavimmi pissutsinik nalilersueqqinneq, sulinerami avatangiisinik aamma eqqagassalerinerami suliaqarnermi atuilluartuunerunissamut suliaqarnissamut peqataassaaq.

#### **Aningaasaqarnikkut allaffissornikkullu kingunerisinnaasai**

Aammattaq eqqaavissuarmi ajutooratarsinnaanermut isumannaarinninnissamut tungatillugu pingaarutilittut eqqakkat katersuutiinnakkat portusuut isikkivimmik takunnissinnaanermullu annikillisaasut taaneqarput. Eqqakkanik katersuutiinnakkanik annikillisitsinissaq arlalitsigut misilerarneqarpoq, tassunga ilanngullugit eqqakkanik naqiterut atorlugu poortuinnikkut aamma Maniitsumut Nuummullu eqqakkanik umiarsuakkoortitsinikkut.

Umiarsuakkoortitsinermit suliniummumut ikuallaaveqarnermit ingerlatsinermit atuffioreersukkat aningaasalersorlugu misilinneqarnikuuvoq. 2019-imut missingersuutini eqqakkanik Maniitsumut Nuummullu assartuinerup annertusarnissaanut aningaasanik kissaateqartoqarpoq, maanna missingersuutit atorlugit assartuinermit aningaasat killillit atorneqarsinnaammata.

Ajutoortoqareermalli ulluinnarni iusmannaallisaneq nalilersoqqinneqartarpoq aammalu siunissami suli nalilersorneqartassaaq.

### **Allaffeqarfiup naliliinera**

Suliniuummi aningaasaleeqataassutissatut Namminersorlutik Oqartussanit aningaasat tunniunneqartut aamma kommunimit aningaasat immikkoortinneqartut, Sullivinnik Nakkutilliisoqarfimmi peqqusinertut Eqqaavissuarmi isumannaallisaanermik pitsanngorsaatitut aningaasartuutitut matussusiisutut nalilerneqarput. Immaqa aammalu eqqakkanik ikuallassinnaasunik annertussutsinik suliarinnissinnaasumik ikualaavimmik nutaamik anginerusumillu sanaartortoqarnissaata tungaanut, illoqarfinnut allanut eqqakkat poortorlugit assartorneqarnerisigut eqqakkat annertussusaat annikillisinnissaanut aningaasanik siunissamut pisariaqartitsisoqassaaq.

### **Innersuussut**

Teknikkimut Avatangiisinullu immikkoortortaqaqarfiup Teknikkimut Avatangiisinullu ataatsimiititaliamit akuereqqullugu innersuussutigaa,

Paasissutissiisut tusaatissatut tiguneqassasoq.

### **Aalajangiineq**

Tusaatissatut tiguneqarpoq.

### **Ilanngussaq**

1. Sullivinnik Nakkutilliisoqarfiup ingerlaannartumik peqqusinera 2018-imi aggustip 20-aneersoq.
2. Sullivinnik Nakkutilliisoqarfimmut allakkat akissuteqaatit 2018-imi septembarip pingajuaneersut.
3. Ilanngussaq 1-4 akissuteqaatit allakkamut ilaasut.

**Imm. 06 "Imaani avatangiisit illersorneqarnissaat pillugu inatsisartut inatsisaannik allannguinnisaq pillugu Inatsisartut inatsisissaattut siunnersuut" pillugu tusarniaanermi akissuteqaat pillugu pasissutissiisneq.**

Journalnr. 80.11

**Tunuliaqutaq**

"Imaani avatangiisit illesorneqarnissaat pillugu Inatsiartut inatsisaannik allannguinnisaq pillugu Inatsiarut inatsisissaattut siunnersuut" pillugu kommuni tusarniaanermi akissuteqaasiornikuvoq.

**Maleruagassanut tunngavissat**

Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq. Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq

**Pissutsit atuuttut**

Allannguutissatut siunnersuutaasumi imarisaa pingaarneq:

- Imaani avatangiisit pillugu inatsimmi atuuttuusumi § 41-mi kukkuneqarpoq. Qallunaatoortaanut sanilliullugu kalaallisoortaanu atuisinnaanermut immikkoortortaa siammasinnerusunngortinneqarsimavoq. Siunnersuummi kalaallisoortaanu oqaasertalernera iluarsineqassaaq, taamaalillutik marluusut assigiimmik oqaasertaqalerlutik. Piginnittut atuisut assartuutinillu ingerlatsisut, imaani igitsigunik ikuallaagunilluunniit, erngerumik Naalakkersuisunut nalunaaruteqartarnissannik § 41 tunngassuteqarpoq. § 58-imi tulleriaarneqartutut, iliuusissat tamakku ajornartoofimmi akuerisaapput.
- Allannngortinneqassasoq siunnersuutigineqarpoq, Inatsisartut inatsisaaanni atuuttumi § 44 aamma § 49 imm. 3 malillugu umiarsuarni oqartussat misissuinerminni nakkutilliinerminnulluunniit atatilugu akiliutitaqanngitsumik assiliinnaallutik, allakkiat assiliinnaallugit (kopi) nassarsinnaallutiklluunniit kiisalu pigisanik alalnik nassarsinnaallutik. Pigisamik nassarneqartumi erngerumik uppernarsaammik tunniussisoqassaaq.
- Kalaallit Nunaanni pinerluttulerinermut inatsit malillugu pineqaatissiinernik sukannerulersitsinermilluunniit imaluunniit akiligassiisummik anertunerulersitsinermik pineqaatissiisoqarsinnaanera pillugu § 62 aamma § 63-imi malittarisassanik nutaanik ikkussisoqarnissaa siunnersuutavoq. Avatangiisinik ajoqusiisoqarsimappat tassungalunniit navianartorsiorititsisoqarpat. Imaluunniit pineqartumut namminermut allanulluunniit sipaarutaasinnaasut ilanngullugit, aningaasaqarnikkut iluaqutaasimappat iluanaaquteqartoqassappalluunniit.
- Killeqarfiup 3 sømil iluatungaani avataaniluunniit unioqqutitsineq pisimatillugu pillaatissiissut angeqatigiissasoq siunnersuutigineqarpoq.

Qeqqata Kommuniata tusarniaanermut akissuteqaataa:

- uliakunik akuutissanillu imerpalasunik igitat pillugit nalunaarummi § 9, umiarsuarnit uuliasiorfinnilluunniit uuliakunik akuutissanilluunniit imerpalasunik kommunip tiguisussaataanerani killilersuinerneq imaqarpoq. Kommunip avataani imikkoortuni uulianik akuutissanillu imerpalasunik eqqunneqarsimasunut, § 5-imi tunniussinisaq sivikinnerpaamik sapaatit akunnerini arfineq-pingasuni sioqqullugu tunniussinissamut naluanartussaataanermeq

13

piumasaqaatitaqrapoq. § 5 umiarsuarnut aamma atuuppat, paragraffit taakku marluk umiarsuit eqqortumik uuliakunik akuutissanillu eqqagassanik tunniussinissaannut annertuumik unammillernarsinnaapput. Tassunga ataqatigiisillugu, umiarsuarnut periarfissanik pitsaasunik pilersitsisoqarnissaani, akimortumik sulisoqassasoq kommunip kaammattuutigaa, taamaalillutik uuliakunik tunniussinnaaniassammata kiisalu kommunini pitsaasumik suliarineqarnissaanut periarfissiisoqarluni. Taamaalilluni uuliakut akuutissallu imerpalasut eqqortumik tunniunneqartalissapput. Kisianni aamma MARPOL-isumaqatigiissummut, Kalaallit Nunaata peqataaffigisaanut naammassinnilluni.

- Killeqarfiup 3 sømil iluani avataanilu malittarisassanik assigiissaarinissamik suliniut kommunip taperserpaa. Taakku saniatigut Kalaallit Nunaannut inuussutissaqarnissamut isertitaqarnissamullu aallaavittut pingaaruteqartumut, imaani avatangiisinik allanngutsaaliuinissap qulakkeerneqarnissanut pisariaqartunut, pitsaanagerusumik uppersaateqarnissaq sakkortunerusumillu pineqaatissiisarnissamut periarfissat tapersersorneqarput.
- Siunnersuummi oqaaseqaatinut § 49-mut kukkuneq pingaarutilik kommunip tikkuarpaa. ”nngilaq” kukkusumik inissitaasoq, paragraffip sunniutigisinnaasaraluanik killup tungaanut sunniuteqartitsivoq.

#### **Atuilluartuunissakkut kingunerisinnaasat**

Imaani avatangiisinut malittarisassanik sukaterinissap qulakkeerneqarnissaa avatangiisit eqqarsaatigalugit atuilluartuuneruvoq.

Ulluinnarni sulinermi malittarisassat pitsaasut ajornaatsut sunniuteqarluartullu atorneqarnissaasa qulakkeerneqarnissaat allaffissornikkut atuilluartuuneruvoq.

Umiarsuarnit uuliakunik tunniussisarnermut malittarisassat periarfissallu, uuliakunik tigusisarinnissamut kommunit periarfissaanik ilorrisimaarnartumik aaqqiiffiqineqartunik aningaasaqarnikkut atuilluartuunerussaaq. Ingammik kommunit umiarsulaviinut umiarsuit amerlanerusut talitsillugit aningaasaqarnikkut saniatigut iluanaarutaagunik.

#### **Aningaasaqarnikkut allaffissornikkullu kingunerisinnaasai**

Siunnersuut kommunimut aningaasaqarnikkut kingunissanik erniinnartunik kingeqassanngilaq. Taamaallaat uuliakumik tunniussisarnermut atugassarititaasunik pitsaanagerusunik ingammillu tigooraanermut sulisoqarpat.

Malittarisassanik sukaterinermi aningaasaqarnikkut iluanaarutininik toqqaannartunik peqarpoq, tassami imaanik mingutsitsineq kommunimut ajortumik kinguneqarsinnaammat.

Umiarsuarnik nakkutilliisuusumut, oqartussaasumut siunnersuut allaffissornikkut annertuumik oqilisaatitsivoq. Oqartussaaneq taanna tassaavoq Naalakkersuisut, taamaalilluni kommunimut allaffissornikkut sunniuteqassanngilaq.

#### **Qullersaqarfiup oqaaseqaatai**

##### **Allaffeqarfiup naliliinera**

Inatsimmik allanngineq kommuninut toqqaannartumik iluaqutaqaarsinnaasutut nalilerneqarpoq. Uuliakunik tunniussisarnermut tigooraanermullu periarfissat pitsanngorsarneqarunik, kommuninut iluaqutaasinaavoq.

##### **Innersuussut**

Teknikkimut Avatangiisinullu immikkoortortap TAAA-mut akuerisassanngorlugu innersuussutigaa,

## **Tusarniummut akissuteqaat tusaatissatut tiguneqassasoq**

### **Aalajangiineq**

Tusaatissatut tiguneqarpoq.

### **Ilanngussaq**

1. Imaani avatangiisit illersorneqarnissaat pillugu Inatsisartut inatsisaattut nr. xx, xx.xx-tut siunnersuut.
2. Qeqqata Kommuniata tusarniaanermut akissuteqaataa.

**Imm. 07 "Avatangiisit innarlitsaaliorneqarnissaat pillugu Inatsisartut inatsisaannik  
allannguinnissaq pillugu Inatsisartut inatsisaannik allannguinnissamut siunnersuut"  
pillugu tusarniaanermi akissuteqaat pillugu paasissutissiisut**

Journalnr. 80.11

**Tunuliaqutaq**

"Avatangiisit innarlitsaaliorneqarnissaat pillugu Inatsisartut intatsaannik allannguinnissamut Inatsisartut inatsisissaanik allannguinnissamut siunnersuut" pillugu tusarniaanermi akissuteqaammik kommuni nassiussaqaarnikuvoq.

**Maleruagassanut tunngavissat**

Avatangiisit innarlitsaaliorneqarnissaannik inatsit

**Pissutsit atuuttut**

2018-ip ingerlanerani pisussaasumut, KANUKOKA atorunnaartussaananeramik patsiseqartumik allannguutissatut siunnersuutaavoq. Avatangiisit innarlitsaaliorneqarnissaannik Inatsisartut inatsisaanni atuuttuusumi § 61-imi allassimasoqarpoq, Avatangiisit innarlitsaaliorneqarnissaannut Nammagittaalliuuteqartarfimmi ilaasortap aappaa Kalaallit Nunaanni Kommunit kattuffiannit innersuutaasassasoq. KANUKOKA atorunnaarsinneqarnerata kingorna, kommunip sunniuteqarsinnaanerata qulakkeerneqarnissaa pingaaruteqartutut isigineqarpoq. Taamaattumik inatsimmik allannguinnissaq pisariaqarpoq.

Naammagittaalliuuteqartarfiup inuttalersorneqarneranik toqqaasarnermut kommunip sunniuteqartarnerata paariinnarneqarnissaanik aammalu ingerlateqqiinnarneqarnissaanik siunnersuut imaqarpoq, taamaalilluni toqqaasinnaatitaaneq Naalakkersuisunut kommunulluunniit ataasiakkaanut tunniunneqarani, kisianni ataatsimiititaliami ilaasortaasussanik, kommunit inuit kikkut innersuussissaallugit pisinnaatitaassallutik. Naammagittaalliuuteqartarfimmi aalajangigaasuni, kommunit aalajangiinerni isiginnissiinnaanerata qulakkeerneqarnissaat siunertaralugu.

Kommunit sunniuteqarsinnaanerata paariinnarneqarnissaata qulakkeerneqarnissaa pingaaruteqartutut isigineqarpoq, Nammagitaalliuuteqartarfimmi aalajangikkat amerlasuutigut, kommuninut ataasiakkaanut taakkulu innuttarisaanut tunngassuteqartarmata.

Qeqqata Kommuniata tusarniaanermi akissuteqataa, allannguutissatut taaneqartumut akuerinniinnarneruvoq.

**Atuilluartuunissakkut kingunerisinnaasat**

Inatsisissatut allannguutissaq tusarniaanermilu akissuteqaat kommunip nammineq pissutsiminut sunniuteqarsinnaaneranut atuilluartuuneruvoq.

**Aningaasaqarnikkut allaffissornikkullu kingunerisinnaasai**

Siunnersuut kommunimut aningaasaqarnikkut allaffissornikkullu pitsaasumik kinguneqarsinnaavoq. Naammagittaalliuuteqartarfimmi aalajangeeqataasinnaaneq, suliami kommunip tungaaniit ersarissaasinnaanermut periarfissiiuvoq.

**Qullersaqarfiup oqaaseqaatai**

**Allaffeqarfiup naliliinera**

Inatsimmik allannguinnissaq kommuninut iluaqutaalluartussatut nalilerneqarpoq.

16



### **Innersuussut**

Teknikkimut Avatangiisinullu immikkoortortap TAAA-mut akuerisassanngorlugu innersuussutigaa,

**paasissutissiissut tusaatissatut tiguneqassasoq**

### **Aalajangiineq**

Tusaatissatut tiguneqarpoq.

### **Ilanngussaq**

1. "Avatangiisit innaarlitsaaliorneqarnissaat pillugu Inatsisartut inatsisaanik allannguinissaq pillugu Inatsiartut inatsisaannik allannguinermut siunnersuut"
2. Qeqqata Kommuniata tusarniaanermut akissuteqaataa.

Tamalaat.

Soqanngilaq.

Ataatsimiinneq naavoq nal. 9.26